



BOSNA I HERCEGOVINA
FEDERACIJA BOSNE I HERCEGOVINE
Kanton Sarajevo
Grad Sarajevo
OPĆINA CENTAR SARAJEVO
OPĆINSKI NAČELNIK

Na osnovu, Zakona o mladima Federacije Bosne i Hercegovine, Rezolucije Parlamentarne skupštine o mladima u Bosni i Hercegovini, Evropske povelje o učešću mladih u životu na općinskom i regionalnom nivou, čl. 25. i 74. Statuta Općine Centar Sarajevo – prečišćen tekst («Službene novine Kantona Sarajevo», broj 23/04), Pravilnik o načinu, postupku i kriterijima dodjele sredstava omladinskim udruženjima i neformalnim grupama broj: (13-38-776/17 od 30.06.2017.godine), Općinski načelnik upućuje

JAVNI POZIV

Za finansiranje-sufinansiranje projekata za mlade sredstvima Budžeta Općine Centar Sarajevo za 2017. godinu.

1. **Pravo** učešća imaju:

- **Omladinska udruženja**
- **Neformalne grupe mladih** (uz administrativnu podršku udruženja)

(Aplikant može u toku javnog poziva aplicirati sa jednim projektom)

2. **Uslovi** za korištenje sredstava budžeta Općine Centar:

- da je projekat namijenjen mladima od 15 do 30 godina sa područja Općine Centar Sarajevo;
- da je udruženje upisano u općinski spisak omladinskih udruženja Općine Centar Sarajevo;
- da je opravdan utrošak sredstava za ranije odobrene projekte;
- da udruženje i neformalne grupe nisu ogranak bilo koje političke partije niti su uključene u bilo kakvu aktivnost u ime politike;
- da članovi rukovodstva udruženja (predsjednik i zamjenik odbora i sekretar) nisu istovremeno postavljeni ili izabrani na bilo kojoj rukovodećoj poziciji unutar političke partije
- da je projekat urađen u skladu sa Uputstvom i kriterijima
- da se projekat odnosi na sljedeće oblasti:
 - OBRAZOVNE I RAZVOJNE AKTIVNOSTI (podsticanje neformalnog obrazovanja mladih u oblastima omladinskog sektora, sticanje različitih sposobnosti, znanja i vještina kroz razne obrazovne i edukativne programe i sl.);
 - ZDRAV NAČIN ŽIVLJENJA, REPRODUKTIVNO ZDRAVLJE I SOCIJALNA ZAŠTITA (projekti/programi savjetovanja i edukacije za prevenciju zdravlja, pravilna ishrana, seksualno i reproduktivno zdravlje i dr.);
 - RAD SA MLADIMA I BORBA PROTIV OVISNOSTI (vršnjačke edukacije o štetnosti psiho-aktivnih supstanci, faktorima rizika, fazama razvoja i sposobnosti ranog otkrivanja bolesti ovisnosti);
 - ODGOVORAN ODNOS PREMA PRIRODI I UNAPREĐENJU KVALITETA LJUDSKOG ŽIVOTA (uređenje, čišćenje, pošumljavanje, ozelenjavanje i dr.);
 - LJUDSKA PRAVA I DEMOKRACIJA (informisanje mladih o njihovim pravima i obavezama, učešće u izgradnji i razvoju lokalne zajednice, odnosi u građanskom društvu, timski rad, poticanje mladih na volonterizam, javno zagovaranje, odnosi sa javnošću, organizovanje kampanja usmjerenih na smanjenje predrasuda prema mladima iz osjetljivih društvenih grupa i sl.);
 - RODNA RAVNOPRAVNOST (razvijanje svijesti u mladima o značaju aktivnog učešća žena i muškaraca u zajednici i promocija pozitivnih rodničkih politika i primjera);
 - EDUKACIJA U CILJU LAKŠEG ZAPOŠLJAVANJA MLADIH (programi koji stimulišu radne navike, zapošljavanje mladih, kao i osoba sa invaliditetom i sl.)

Napomena:

Dokumenti koji su obavezujući (Uputstvo za izradu projekta za mlade, Prijavni obrazac i izjave) možete preuzeti na web-stranici: www.centar.ba ili na Info-pultu u Općini Centar Sarajevo.

Prijava sa dokumentacijom podnosi se Službi za obrazovanje, kulturu i sport Općine Centar Sarajevo u Ulici Mis Irbina br.1 Sarajevo, sa naznakom: „**PROJEKTI ZA MLADE**“
Za sve informacije možete se obratiti na telefon 56 25 12

Nepotpuna i neblagovremena dokumentacija neće se uzeti u razmatranje.

Rok za podnošenje prijave je 22.07.2017. godine.